

Die Wårzen zuvertreiben.

Nemmet klein gestossen Aurumpigment / vermischet ihn mit Eyr-Dotter / so viel als genug ist / dann streichets auff ein zartes leinen Tüchlein so breit als die Wårze ist / vnd legets darauff / sehet aber / daß es nit blute / bindets wol zu / vnd lassets ein Stund lang darauff ligen / vnd nicht länger / dann nemmets hierunter / vnd schmieret die Wårzen alle Tag einmahl mit alt Schweinen Schmer / vnd thut dieses acht Tage nach einander / so wird die Wårzen samt allen ihren Wurkeln heraus fallen : Dann brauchet zur Heylung des Schadens frisches Wasser zwey- oder drey mahl des Tages / so heylets / es ist vielmahls bewehrt befunden worden.

Eine Salben für die Råpffen / Flecken vnd Råuden.

Nemmet Bleyweiß / vnd gepulverten Schwefel / alt Schweinen Schmer / vnd weiche Seiffen / mit einander vermischet / die Råpffen / Flecken vnd Råuden darmit alle Abend bestrichen / vnd zu End vier Tagen waschet ihme die Råudige Fuß mit warmen Wasser / dieses thut biß es heylt wird.

Wider die Råpffen vnd Kråsen.

Nemmet ein Maas Essig / vnd eben so viel schwarzes : oder Schiff-Bech / zwey Hand vol Sals / vnd ein Hand vol Schwefel / den halben Thail so viel Weyrauch / fünff Pfund Meerschwammen / thut alles in ein neuen Hafen zusammen / lassets sieden / vnd rührets stätigs / dann waschet dem Pferd an der Sonnen den Kopff mit Laugen / vnd last es trucken werden / alsdann besmzieret es mit dieser Salbe / so heiß als es erleyden kan / vnd reibets wol hinein : Wann es wol gesalbet ist / führets in Stall / vnd den folgenden Morgen waschet es / dieses thut drey oder mehr Tag / nach dem es der Zustand erfordert.

Wann einem Pferd der Kopff verschwollen / vnd voller Beulen ist.

Lasset ihme Ader am Hals / vnd bestreichet ihme mit dem Blut den Kopff / lasset es trucken werden / dann waschet es mit warmen Wein / vnd treibet Kreyden mit Essig vnd Wasser ab / bestreichet ihme den Kopff darmit / dieses hilfft auch wider alle Beulen / sie seyen an welchem Ort des Leibs sie wollen / man soll es aber zuvor zwey mahl des Tags in stießendes Wasser stellen / vnd wann es trucken worden ist / ihme den gemeldten Anstrich mit der Kreyden machen.

X

Hey